



CENTRALE BANK VAN ARUBA

COMUNICADO DI PRENSA

Banco Central di Aruba (BCA) a tuma nota di e comunicado di prensa emiti pa Banco Central di Corsou y Sint Maarten (CBCS) di dia 7 di october 2023 (PB 2023-033), titula *Update over herstructurering Ennia*.

Den e comunicado di prensa aki, CBCS ta anuncia cu lo no scoge pa un 'doorstart', sino cu lo traha riba un likidacion controla y den fase di Ennia Caribe Leven NV (ECL) den e proximo simannan. E comunicado di prensa ta continua cu CBCS lo sigui planifica e escenario aki conhuntamente cu e gobiernonan di Corsou y Sint Maarten y cu 'naturalmente lo mester analisa tambe con pa trata e entidadnan sano di e grupo di Ennia (...)'. Den e cuadro aki, CBCS ta menciona tambe Ennia Caribe Schade (Aruba) N.V. y Ennia Caribe Leven (Aruba) N.V.

Loke ta trata e entidadnan Arubano di Ennia, BCA ta remarca cu permiso previo di BCA ta necesario, prome cu por tuma cualkier decision legal riba e entidadnan aki.

BCA tin e deber di garantisa e estabilidad di e institucionnan bou di su supervision y lo no duda pa tuma medidanan – si ta necesario – pa proteha e interes di e aseguradonan di e entidadnan Arubano di Ennia, ni lo duda pa actua inmediatamente contra partidonan cu ta actua sin permiso previo di BCA al respecto di e entidadnan Arubano di Ennia.

Aruba, 11 di october 2023